
SportKlub+ na rumunskom jeziku

Poslao/la lazarbozo - 13.07.08 18:07

Kao što je i bilo očekivano, IKO Kabel TV je ovih dana proširio dostupnost svojeg drugog sportskog kanala SportKlub+ na još jedno tržište, a riječ je o Rumunskoj.

Najava ulaska SportKluba+ na rumunsko tv tržište krenula je još od kraja prošle godine kada je i započela transformacija ovog novog-starog kanala u isključivo fudbalsku televiziju. U SportKlubu+ prvo su mogle uživati samo Mađarska i Poljska, a nešto kasnije SportKlub+ proširio je svoju djelatnost i na Hrvatsku, Sloveniju, Bosnu i Hercegovinu, Srbiju i Crnu Goru. Prema lokalnim medijima, SportKlub+ na rumunskom jeziku trebao je sa radom krenuti još prošle godine, a kasnije je to odgođeno na 3. mjesec ove godine da bi na kraju, kao što i sami možete vidjeti, tek prošle sedmice krenuo punom parom sa rumunskim komentarom i najavama.

Gdje se emituje? Naravno, u okviru Digi TV platforme na 1° zapadno- platforme koja je već itekako poznata kao dobar partner IKO Kabel TV-u jer se preko nje za potrebe distribucije u druge platforme i/ili kablovske mreže emituje nekoliko kanala iz produkcije ove mađarske medijske firme. To su naravno, SportKlub Hrvatska, SportKlub +, DoQ i Fishing and Hunting Channel.

SportKlub+ na rumunskom jeziku je zapravo mađarska verzija tog kanala, a koja se u ovom obliku emituje od jeseni prošle godine. Dakle, samo je na postojećem kanalu dodan rumunski komentar + rumunski tekst prilikom najava programskih sadržaja. Dramatičnih promjena u programskoj semi kanala ipak neće biti - sve ostaje po starom, emitovat će se isključivo fudbal i to iz doista raznovrsnih dijelova svijeta.

SportKlub+ - na mađarskom i rumunskom jeziku istodobno.

Parametri za prijem novog-starog kanala su: frekvencija 12.563 GHz V, Symbol Rate 27500, FEC 3/4 Mpeg2 kodirano u sistemima Nagravision 2 + Nagravision 3.

Tako je SportKlub+ ukupno četvrti kanal koji IKO Kabel TV emituje u toj zemlji. Preostali programi su SportKlub Romania, DoQ Channel (testno) te Fishing and Hunting Channel. No, očekujemo i brojne nove kanale kao što su Reflektor, Krimi+, Poen!, Pr1me i Film Plus.

(SateliTV.net)

=====